



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

6 f Hailigen drey König zů Cöllen.

**urn:nbn:de:hbz:466:1-41449**

## Januarus

schlechten Menschen mit einem Wort nicht verlehret / vnd ihm doch alle Menschen grosse ehr vnd forcht erzogten. Mit seiner Ehefrawen blib er inn der Junckfrawschafft / dienet Gott reichlich inn den armen / war fürtrefflich im Geist der Weysagung / het vil Göttliche offenbarung. Verschid im Herrn / als er die hailtsamen Sacrament demütiglich empfangen / im 24. jar seines Reichs / bey welliches Grab vil Wunderzaichen geschehen.

Anno Dñi  
1164.

Homil. 38.

Item zu Rom der H. Junckfrawen Emiliane / die des H. Pappsts Gregorius Vatters Schwester gewesen / nach dem sie sampt ierer Schwester Tarilla sich zu Gott beköhret / lebten sie vnder einer verblindnuß der Geistlichen Regel / fürten bayd in einem aiguen hauß ein rechtes Schwesterliches Göttliches leben / wie S. Gregorius von inen schreibet. Tarilla w:rdt hernach am 24. Christmonats gesetzt.

Item des H. Einsidels vnd Beichtigers Berfaci / der zuuor ein Kriegsmann gewesen.

Item zu Thebaida der H. Junckfrawen vnd abtiffin Amate.

f viij. Idus Ianuarij.

## Der VI. Tag im Jenner.

1.

**B**est ist der dreyzehend tag nach der Geburt Jesu Christi des newgebornen Hailands / auch das herlich hochzeitlich Fest seiner erscheinung / welche durch anzaigung des Sterns der Orientischer Weysen oder Königen / sa auch der blinden Haydenschafft geschehen. Dann die erstling der Hayden seind durch

durch führung des Sterns / vonn Orient gen Bethle-  
hem kommen / bettet den H. Erren Christum an / vnnnd  
opfferten ihm zu Geschenck vnnnd Gaben / Gold / Wey-  
rauch vnnnd Myrrhen. Ist auch der Tag / daran der-  
selbig H. Er. Iesus im dreysigsten jar seines alters /  
im Jordan vonn Johanne getauffet / vnnnd durch die  
Stim seines Himlischen Vatters gerümpft vnnnd geoffe-  
nbar et ist worden. Auff wellichen tag er auch im vol-  
genden 31. jar seines alters / durch sein erstes Wunder-  
zaichen / zu Cana auff der Hochzeit sich vnnnd sein Gloy  
geoffenbar et hat. Seind also auff den heutigen tag drey-  
erley fürerliche erscheinung vnseres Hailands geschē:  
die erst durch den Stern ob der Krippen zu Bethlehem:  
die ander durch Stim des Vatters ob dem Jordan: die  
drit durch die verwandlung des Wassers in Wein auff  
der Hochzeit. Augustinus fest auch die viert herliche er-  
scheinung darzu / das Christus heut fünfftausent Men-  
schen / mit fünff Broten in der Wüste gespeiset vnd erset-  
tiget hat / Matth. 14. Die erste aber wirdt heut fürnem-  
lich gehalten.

Item inn Remenser Landschaft das leyden der  
heyligen Junckfrawen vnnnd Marterin Maere / welliche  
auff befehl des Pflegers Rictionari inn das Feuer ge-  
fürset / blib vnuerlet / man schnidt ihr die Brüst ab /  
ward ohne Speiß mit gestanck der Gefengknus gepet-  
niget / auch auff gar spizigen Scherben vnnnd glüenden  
Kohlen vmbgewelset / gab also mit Gebett ihren Gaist  
auff.

Item zu Redon / nicht weyt von Benedig / des heyl-  
ligen Bischoffs vnnnd Beichtigers Melanis / wellicher  
zur zeit des Königes Clodouei / grosse Wunderwerck  
thet / vnnnd vnder andern Wunderwercken ein Mann /  
des

II.

III.

III.

## Januarius/

der sich selbs erhengt het / wider lebendig machet : war  
gewaltig in außreibung der Teuffeln / vnnnd nach vilen  
zaichen der tugent/als er gen Himmel aufffahet / schied er  
von diser welt.

Anno dñi  
500.

Item in Orient des heyligen Bischoffs Melchior/so  
vnder den dreyen Weysen vnd Künigen einer war: als er  
das Opffer der Weis inn der Kirchen geopffert vnnnd ge-  
nossen/entschlieff er im feiden.

Item in der Statt Samagusta/in Cypren gelegen/  
des heyligen Petri Thomasti Constantinopolitanschen  
Patriarchen/Carmeliter Ordens / welcher zur zeit Kay-  
sers Caroli des vierten/im leben/lehrt vnd wunderzaichen  
fürtrefflich war/vnd in der stund/welche er zuuor angezei-  
get/verschied.

Anno dñi  
1350.

Item in der Statt Florens des H. Carmeliten vnd  
Fesulanischen Bischoffs Andree / wellicher mit dem ge-  
ruch tugentreicher werck weyt vnd brayt leuchtet.

Item die erhebung des Leibs S. Germani Aletisio-  
dorensischen Bischoffs / der ein Mann war wunderbar-  
lichs Glaubens/Lehr vnd Tugent.

Item zu Barcinona inn Hispanien des Seligen  
Beichtigers Kaimundi/ des dritten Kaiser Prediger  
Ordens/ vnd wiewol er nicht Canoniciert/ sedoch wurde  
sein Fest auß bewilligung Pappi Pauli des dritten / von  
den Barcinonern gehalten am nechsten tag nach der H.  
drey Künig Fess.

Anno dñi  
1360.

Item selige gedächtnus Gertrudis von Oesten/ Be-  
gittin zu Delyph in Holand / welche die Nägelmal Christi  
an ihrem Leib het vnd trüg.

Item (als etlich wollen) des heyligen Juliani vnd  
seiner Gefellen/ welliche hernach am 9. tag diß Monats  
auch geehret werden.